

**Title :** 三宝歌

**Composer :** 弘一大师

**Lyricist :** 太虚大师

人天长夜，宇宙黯暗，谁启以光明？  
三界火宅，众苦煎迫，谁济以安宁？  
大悲大智大雄力，南无佛陀耶！  
照朗万有，衽席群生，功德莫能名。  
今乃知，唯此是，真正皈依处，  
尽形寿，献身命，信受勤奉行！

二谛总持，三学增长，恢恢法界身；  
净德既圆，染患斯寂，荡荡涅槃城。  
众缘性空唯识现，南无达摩耶！  
理无不彰，蔽无不解，焕乎其大明。  
今乃知，唯此是，真正皈依处，  
尽形寿，献身命，信受勤奉行！

依净律仪，成妙和合，灵山遗芳型；  
修行证果，弘法利世，焰续佛灯明。  
三乘圣贤何济济，南无僧伽耶！  
统理大众，一切无碍，住持正法城。  
今乃知，唯此是，真正皈依处，  
尽形寿，献身命，信受勤奉行！